

## ŠTA ZA VAS PREDSTAVLJA PROŠIRENA EU? – TAKMIČENJE U PISANJU

*„Trebali bismo gledati u budućnost, ali sa mudrošću stečenom u prošlosti“*

Jose Manuel Barroso, predsjednik Evropske komisije

Dvije važne godišnjice se obilježavaju 2014. godine i one predstavljaju priliku da se osvrnemo na dosadašnja dostignuća u evropskim integracijama. Prošlo je 100 godina od početka Prvog svjetskog rata i 10 godina od najvećeg proširenja Evropske unije (EU), sa pridruženih 10 novih zemalja. Danas je EU perspektiva otvorena Albaniji, Bosni i Hercegovini, bivšoj jugoslovenskoj Republici Makedoniji, Islandu, Kosovu\*, Crnoj Gori, Srbiji i Turskoj.

Evropska komisija želi da sazna više o tome šta vi mislite:

- Šta sadašnjih 28 zemalja članica Evropske unije može naučiti iz svoje prošlosti kako bi pomogle stvaranju bolje budućnosti?
- Šta za vas predstavlja proširena Evropska unija?

Budite kreativni danas i osvojite neke od vrijednih nagrada! Podijelite svoje poglede na jedno ili oba navedena pitanja u članku (maks. 700 riječi) ili u najviše tri sadržaja na blogu / članka (maks. 700 riječi sveukupno).

---

\* Ovaj naziv ne dovodi u pitanje stavove o statusu i u skladu je sa Rezolucijom Vijeća sigurnosti Ujedinjenih naroda 1244/1999 i mišljenjem Međunarodnog suda pravde o proglašenju nezavisnosti Kosova.

## ŠTA ZA VAS PREDSTAVLJA PROŠIRENA EU? – TAKMIČENJE U PISANJU

### PRAVILA

#### **Pravo učešća**

1. Takmičenje je otvoreno za državljane 28 zemalja članica EU-a ili zemlje kandidata ili potencijalnog kandidata iz jugoistočne Evrope (Albanije, Bosne i Hercegovine, bivše jugoslovenske Republike Makedonije, Kosova, Crne Gore, Srbije, Turske).
2. Učesnici moraju imati između 15 i 25 godina starosti na dan krajnjeg roka za podnošenje prijava.
3. Svoj rad možete predati na bilo kojem zvaničnom jeziku Evropske unije (pogledati: [http://europa.eu/about-eu/facts-figures/administration/index\\_en.htm](http://europa.eu/about-eu/facts-figures/administration/index_en.htm)) ili na zvaničnom jeziku zemlje kandidata i potencijalnog kandidata iz jugoistočne Evrope.
4. Svi tekstovi moraju biti jasno povezani sa zadanom temom takmičenja.

#### **Pravila učešća**

5. Takmičenje uključuje dvije starosne grupe: 15–18 i 19–25 godina starosti. Radovi će biti ocjenjivani u sljedećim kategorijama.
6. Svaki učesnik može predati samo jedan rad. Samo originalni rad može biti prihvaćen. Kada se pošalje, rad se smatra konačnim.
7. Radovi mogu biti poslani u sljedećim formatima:
  - a. Članak do 700 riječi (uključujući naslov, rubrike i podrubrike)  
ILI
  - b. Serija do 3 članka na blogu koja ukupno sadržavaju do 700 riječi (uključujući naslov, rubrike i podrubrike).
8. Svaki rad mora sadržavati naslovnu stranu na kojoj su vidljive sljedeće informacije: ime i prezime učesnika, poštanska adresa, telefonski broj i elektronska pošta, kao i naziv rada i broj riječi. Naslovna strana se ne ubraja u zbir riječi u radu.

Ako pošaljete primjerak na papiru, rad mora biti otkucan na mašini ili odštampan na štampaču. Svaka stranica mora sadržavati naslov i broj stranice. Elektroničke verzije (dokument MS Word ili datoteka Open Office) moraju također sadržavati naslov i broj stranice na svakoj stranici.

#### **Kada i kako mogu poslati svoj rad?**

9. Krajnji rok za dostavu radova je **11. maja 2014. godine** (elektronskom dostavom ili preporučenom pošiljkom).

10. Radovi moraju biti poslani na jedan od navedenih načina:

**Elektroničkom poštom:** svoj rad pošaljite u prilogu (dokument Word ili datoteka Open Office) na: [write@media-consulta.com](mailto:write@media-consulta.com)

**Poštom:** svoj rad pošaljite na:  
media consulta International Holding AG  
Na ruke: Rachel Harding  
Wassergasse 3  
10197 Berlin  
Njemačka

**Na Facebooku:** svoj rad možete postaviti klikanjem dugmeta za takmičenje koje se nalazi na vrhu Facebook stranice EU proširenje: <https://www.facebook.com/EUenlargement>. To će vas odvesti do stranice za registraciju za takmičenje. Potom slijedite uputstva za postavljanje svoga rada u obliku dokumenta Word ili datoteke Open Office.

11. Radovi neće biti vraćani učesnicima. Ako pošaljete svoj rad poštom, pobrinite se da sačuvate kopiju za sebe.

### **Autorska prava**

12. Učesnik mora biti autor radova ili vlasnik autorskih i moralnih prava na rad. Plagijat, koji uključuje neovlaštenu upotrebu načina izražavanja i mišljenja drugog autora i njihovo predstavljanje kao vlastitih, će rezultirati diskvalifikacijom.

13. Autorska prava na dostavljene radove ostaju u vlasništvu autora, ali autori pobjedničkih radova moraju dozvoliti Evropskoj uniji da objavi njihove radove i koriste ih u bilo koju svrhu bez tantijema. Od pobjednika će biti zatraženo da potpišu formalni prenos ovih prava.

### **Procjena**

14. Svi radovi će prvo biti procijenjeni na državnom nivou.

15. Državni žiriji će odabrati po jedan rad iz svake dobne skupine za procjenu na evropskom nivou.

16. Od radova odabranih na državnom nivou, evropski žiri će odabrati po jednog pobjednika za svaku dobnu skupinu. Žiri će zahtijevati verifikaciju državljanstva i starosne dobi prije dodjele nagrada (kopija važećeg pasoša ili lične karte).

17. Rad i način odlučivanja žirija su povjerljivi i njihove odluke su nepobitne i konačne.

18. Samo dobitnici nagrada će biti kontaktirani.

## **Nagrade**

19. Pobjednik na evropskom nivou iz svake dobne skupine će biti nagrađen dvodnevnom posjetom Briselu, Belgija, za pobjednika i odabranog saputnika krajem juna 2014. god. i 1 e-čitačem (u boji).

20. Tačan datum posjete će biti potvrđen nakon što se odaberu pobjednici.

21. Tokom posjete Briselu, pobjednik koji ima manje od 18 godina mora biti u pratnji odrasle osobe (npr. roditelja/staratelja).

U Briselu će pobjednici i njihovi saputnici učestvovati u ceremoniji dodjele nagrada, posjeti EU institucija i obilasku grada.

22. Sljedeći troškovi, u vezi sa posjetom Briselu, će biti pokriveni za svakog pobjednika i njihovog saputnika:

Povratna karta ekonomskom klasom ili povratna vozna karta prvom klasom od mjesta stanovanja pobjednika ili saputnika koje se nalazi u jednoj od 28 država članica EU-a ili jedne od kandidata ili potencijalnih kandidata iz jugoistočne Evrope, hrana i smještaj, troškovi lokalnog prevoza u Briselu i prijave na organizovane aktivnosti.

23. Pobjednici su odgovorni za sve ostale troškove koji proizađu tokom njihove posjete Briselu.

## **Zaštita podataka**

24. Svi lični podaci prikupljeni tokom registracije će biti u posjedu Generalnog direktorata Evropske komisije za proširenje, koji će koristiti podatke samo za potrebe takmičenja.

Evropska komisija štiti pravo na privatnost učesnika. Politika o „Zaštiti pojedinaca u vezi sa obradom ličnih podataka u institucijama Zajednice“ uređena je Uredbom (EZ) br. 45/2001 Evropskog parlamenta i Vijeća od 18. decembra 2000. godine.

Sva imena i radovi pobjednika će biti objavljeni i postoji mogućnost da mediji proprate posjetu nagrađenih Briselu gdje će se održati dodjela nagrada.

**Podnošenje rada podrazumijeva prihvatanje svih pravila.  
Ako dođe do kršenja navedenih pravila, to može rezultirati diskvalifikacijom.**